

جريدة محاکمه

جمعه ایرتسی

نومرو	جمادی الاول	سنه	کانون اول	سنه	صحیفه
۵۸۰	۲۹	۱۳۰۸	۲۹	۱۳۰۶	۸۳۹۹

(اشبو غزته بهر هفته جمعه ایرتسی کونلری چیقار . سنه لکی درسعادت ایچون محیدیه یکر می غروش)
 (حسابیله التمش غروشدر . طشره لر ایچون اون بش غروش پوسته اجر قی ضم اولنور . بهر)
 (نسخه سی ینه محیدیه یکر می غروش اولق اوزره یوز باره یه هر یرده صاتیلور . درج اولنه جق)
 (اعلاناتک هر برندن بر محیدیه اخذ اولنور . سنه لکنه مشتری اولق استیانلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

قسمت رسمی

توجیهات

ماردین بدایت محکمه سی جزا دائره سی
 ریاستی طر بزون ولایت بدایت محکمه سی مستنطق
 اولی قدری افندی یه

قیصریه تجارت محکمه سی ریاستی محکمه
 مذکوره اعضای دائمه سندن شعبان افندی یه

درسعادت استیناف محکمه سی تجارت قسمی
 باش کتابته قسم مذکور ضبط کتبه سندن ومکتب
 حقوق شاهانه مآذونلرندن شوقی افندی یه

جریده محاکم اداره سی محاسبی عدلیه

سوریه ولایتی مرکز بدایت محکمه سی مدعی
 عمومی معاونلکی بیروت ولایتی بدایت محکمه سی
 مستنطق اولی مکتب حقوق شاهانه مآذونلرندن
 علی رشدی افندی یه

نظارت جلیله سی محاسبه قلمی خلفاسندن راسم
اقدی یه تفویض بیورلمشدر .

(فی ۲۵ جمادی الاول سنه ۳۰۸ وفی ۲۵)
(کانون اول سنه ۳۰۶ تاریخده بالجه ولایات)
(استیناف مدعی عمومیلرینه ومدعی عمومی)
(بولنمیان محللر مدعی عمومی معاوئلرینه)
(یازیلان تحریرات عمومی صورتیدر)

خزینة جلیله عائد مخاکاتده بعض محللرجه
شهادتنامه لی و یامقتدر دعوی وکیل بولنامسندن
طولانی خدمت وکالتده استخدامنه مجبوریت
کورینان مأمورین مؤظفیه دخی خزینة مالیه
حقوق مشاورلکنه ودعوی وکیللرینه دائر
اولان تعایات موجبجه محکوم علیهمدن استحصا
اولنمق اوزره اجرت وکالت اعطاسی واعشار
تقاسیطی بدللرندن طولانی اجرایه تعلق ایدن
ایشلرده ده توکیل اولنه جقلره بالآخره محکوم
علیهمدن استیفا اولنمق اوزره یوزده بر اجرت
وکالت ویرلمسی خصوصنه مجلس مخصوص وکلا
قراریله بالاستیدان اراده سنیه جناب پادشاهی
شرفصدور بیورلدینی بابیورلدی سامی امر و اشعار
بیورلمش ولایم کلانلره یاباغ کیفیت اولنمق
اوزره اشبو تحریراتک نسخ مطبوعه کافیه

قره حصار صاحب سنجای نائی و بدایت
محکمه سی رئیس اولی مصطفی فوزی اقدینک
البرک قریه سی سکنه سندن بش کشی بخلاف
قانون اوله رق توقیف ایلدیکی تحقیقات و اشعارات
واقعهدن اکلا شلمسیله مومی الیهک تحت محاکمه یه
النسی ایچون عدلیه نظارت جلیله سنجه
خدایوندکار مدعی عمومیلکنه مأذونیت اعطا
قلمشدر .

مصدقه سی لفا ارسال قلمش اولمغه ایضای
مقتضای خصوصنه همت اولنمسی سیافنده شقه
ترقیم قلندی .

(وقوعبولان سرقتلردن طولانی مظنون علیهم)
(اولان پاولی ومسقو وایلیا وقسطینک جنایتله)
(اتهاملرینه وفروخت ایدیلاان اشیای مسروقه)
(اثمانندن بر مجیدی یی اخذ ایدن لئونیدینک)
(اجرا قلنان محاکمه علیه لری ضبطنامه سی)
(صورتندن مابعد)

قسم غیر رسمی

قانون مزبورک ایکوز التمش دردنجی ماده سنه
توفیقاً اتهامنه مک مالی متهمون مرقومونه تفهیم
ومعاون مومی الیه طرفندن دخی اسباب اتهاملرینه
واؤنیدینک لزوم محاکمه سنه دائر اولان احوال
تفصیل وتشریح اولندقدن صکره مرقومون
سویلتدیرلکده بوللردن پاولی کندوسی غلطه ده
انشا ایدیلاان برابنه ده چالشمقده اولدیغندن بر
کون رنجبرک بریسی ابنیه یه کلهرک ارقه سنده
بولنان برکوفه یی مالطه طاشنک اوزرینه قویوب
الاجفته مقابل کوفه دروننده بولنان اشیایی
بریسندن الهرق صاتمق نیتنده بولندیغنی سویلمکله
کندوسیده اشیانک قطیفه فستان و پرده
ودوشمه دن عبارت یدی سکنر پارچه اولدیغنی
کوروب استفاده اتمک مقصدیله اون مجیدی یه
پازارلق ایتیش ايسه ده پاره سی اولدیغندن مرقوم

(اوچوز یش سنه سی ایلونک سکنرنجی جمعه)
(کیجه سی قزل طو پراقده کائن عسا کر بحریه)
(میرالایرندن محمود بکک خانه سندن وشهر)
(مذکورک یدنجی کیجه سی عزب قبوسنده)
(واقع لوراندو خاننده مقیم مرانغوز یانینک)
(اوظه سندن وتاریخ مذکوردن چندماه مقدم)
(برکیجه میرکونده ساکن مرحوم صفوت)
(پاشا زاده عزتو رفعت بکک کوشککندن)

رنجبری ابنه ده براقه رق اشیاى مذكوره يى ترزى
خرستونك خانه سنه کوتوروب تأمینات اوله رق
براقش وخرستودن قرصاً اون محیدی اله رق
شخص مرقومه کتوروب و یردیکی صروده اوله
اشیاى مذكوره میانندن تفریق ایدوب بر بوغچه
ایچنده بولنان ایکی عدد مشمی و برجی بی دخی
ایکی محیدی به اله رق ابنه دن چیقوب کلور ایکن
تصادف ایتدیکی مسقوايله برلکه ترزى خرسونك
خانه سنه کتدکلرنده پاره سنی ایرتسی کونی المق
اوزره اشیاى مذكوره يى مرقوم ترزى خرسونك
اون التى محیدی به صاتمش فقط ایرتسی کونی
پاره سنی المغه کتدیکنده مرقوم اشیاى المیه جغی
بیان ایدرك رد واعاده ایلدیکندن کندوسیده
بوغچه ایچنده اولدیغی حالده متهملردن ایلپانك
میخانه سنه کوتوروب بودروم ارسنه قومش
اولدیغی وحتی دستکاهدار قسطی به دخی معلومات
ویردیکی ولدی السؤل اشیاى مبايعه ایتدیکی
رنجبرك اسمی اسماعیل اولوب مرقومى مقدما
علی بك کوینده کوروب طامیش ایهده شمدی
نوده اولدیغی بیله مدیکنی افاده ایتمکه مرقومك
مضبوط افاده سنه لدی المراجعه متهملردن مسقونك
بر حماله تحمیل ایتش اولدیغی اشیاى برلکه
ترزى خرسونك خانه سنه کوتوروب اثمانی

ایرتسی کونی المق اوزره مرقومه اون التى محیدی به
صاتوب اشیاى مذكوره يى اوراده براقش
ایسه لرده ایرتسی کونی کتدکلرنده خرسونك
صرف نظر ایدرك اشیاى اعاده ایتدیکنی و اشیاى
مذكوره دن ایکی پارچه سنی دخی مرقومك
قاله سنه الهی سكر غروشه صاتمش و موجود
اشیاى ایلپانك میخانه سنه کوتوروب براقش
اولدقلىرنی سولیدیکی اکلاشيله رق افاده لرنده کی
مباينته نه دیه جکی مرقوم پاولیدن صورلدقه افاده
مضبوطه سی صحیح اولوب قورتلمق ایچون
اولوقت اوله سولیدیکنی افاده و مسقودخی مرقوم
پاولی به قولوغنده بر بوغچه اولدیغی حالده
غلطه ده تصادف ایدرك بوغچه ایچنده کی اشیاى
بررنجبردن الدیغی بیان ایدوب مرقومك تکلیفی
اوزرینه ترزى خرسونك خانه سنه برلکه
کتدکلرنده مرقوم پاولی حولیده طور مقده اولان
برکوفه نك اوستنه مذكور بوغچه یی قویقدن
صکره یوقارویه چیقهرق اوراده بولنان برقاج
کشی به کوفه و بوغچه بوراده طورسون بن شمدی
کلوب الورم دیهرك برلکه ده بك اوغلی بالق
پازارینه عزیمتله بررقه وه ایچوب ایرمش اولدقلىرنی
وايلیا دخی میخانه سنده بولنان بودورمك قپوسی
هردائم اچیق اولوب کندوسی نادراً محزنه ایندیکی
جهتله اوراده بولنان اشیاى معلومات اولدیغی
ودستکاهدار قسطی دخی لؤنیدی ايله پاولی
مشرى اولدقلىرندن برکون برلکه ده کلرک بولنردن
پاولی محزنه بر بوغچه قویدوم یارین کلوب اله جغ
دیش ایهده ایرتسی کونی کلوب المدیغی و بر
ایکی کون صکره مرقومان بالورود اوسته سنه
حبر ویرماتسنى نئییه ایتدکلرندن کندوسیده
مال مسروق اولدیغی بیلمدیکندن اوسته سنه
خبر ویرمادیکنی ولدی السؤل مذكور محزنه
مسکرات فوجیلری طوروب قپوسی هر دائم اچیق
اولدیغی و مرقومان باغچه طرفدن اشیاى محزنه
قومش اولدقلىرندن اشیاى مذكوره يى کورمدیکی
افاده ایتمکه مال مسروق اولدیغی حالده بشقه
برمحله کوتورمیوبده هر دائم قپوسی اچیق بولنان
برمحله بوکی اشیاى براقسنة سبب نه ایدوکی
پاولیدن صورلدقه کرچه محزنك قپوسی اچیق
ایسه ده شراب وسائر بولندیغی و محل اقامته
دخی کوتورمادیکی جهتله اورایه براقش اولدیغی
افاده ولؤنیدی دخی کندوسنك بوايشدن قطعاً خبر
ومعلومات اولدیغی کی پاولی ايله دخی مذكور
محزنه اشیا براقیوب دستکاهدار قسطینك بویولده
افاده ویرمسی ایچون مسقونك قسطی به یازمش
اولدیغی مکتوبی توقیف خانه ده طوتوب مستنطقه

تسلیم ایتدیکنی و مسقودخی مکتوبدن خبری
اولدیغی بالیان جمله سیدخی انکار تهمت ایتلریله
مرقوم مسقو طرفندن پاولی به یازیلوب اوراق
میاننده بولنان ورقه هیئتجه کوریلهرک صورت
مترجمه سی لدی القرائه مندرجاتی (پاولی بن برشی
طانیام سن دخی انکار ایت صورارلرایسه برشی
طانیام دیه انکار ایت جناب حق نصل ایسترایسه
اوله اولور) دیو محرر اولدیغی اکلاشیده
مدعی عمومی طرفندن ویریلان شهود بوصله سنده
اسملری محرر اولوب دعوت واقعه اوزرینه کلش
اولان ترزى دیقرا وقره بت وخرستوايله اری قادین
بعدالتحلیف منفرداً و مواجعه استماع اولدقلىرنده
بولنردن ترزى دیقرا برکون اوسته سی خرسونك
نك خانه سنده چالیشمقده ایکن زقاق قپوسی
اورلدیغىدن قپوی اچش اولان خرسونك
زوجه سی تلاش ايله زوجی خرسونک اشیاغی به
چاغروب مرقوم کتدیکنده بن قبول ایتم کوتورك
دیو یوقارویه چیقمغله واقع اولان سؤالی اوزرینه
پاولینك برطاقم اشیا کتورمش وخرمز لقمیدر
ندر قبول ایتدم دیش واثانده دخی خانه نك
تخته پرده سندن ویرانه لکه برکوفه اتیلوب
متهملردن پاولی مذكور کوفه یی اله رق ایلپانك
میخانه سنه کوتورمش اولدیغی کوردیکی واقشام

اوزری خانه سنه کیدرک متعلقانندن قره بته کیفیت
حکایه ایله حکومته اخبار ایتلرینی سوبله مکله
مرقوم قره بت غلطه مرکزینه خبر ویرمش
اولدیغندن پاولیدن اشیای مسروقه مبايعه ایتسی
ایچون قومیسر کریم افندی قره بت واسطه سیله
اوچ مجیدی و یروب کندوسیده پاولینی بوله رق
اولجه اوسته سنک خانه سنه کتورمش اولدیغنی اشیای
صانه حق ايسه کندوسی اله جغتی بیان و مرقومه
مواقفت ایدرک الی سکر غروشه اشیای مرقومه بی
اعطایتدیکندن ایکی کون صکره مرقوم پاولینک
خرستونک خانه سنه کتوروب کندوسنه ویردیکی
برجبه وایکی مشمعی جانب حکومته کوتورمکله
مرقوم دردست اولنه رق کندوسیده برکیجه
توقیف ایدیلوب ایرتسی کونی سبیل تخلیه اولنه رق
خرستونک خانه سنه کلدیکنده حضور محکمه ده
بولنان لؤنیدی بالورود سبب توقیفی سؤال
ایدرک اکر بوایش ایچون چاغرمش ايسه
صاقین سوبله اوچ سنه حبس اولورسین زیر
بن اشیالری دکره ادم دبوب کتدیکی وایکی
کون صکره تکرار کله رک المش اولدیغنی اشیای
بدلندن کندوسنده قالمش اولان برمجیدی بی پاولی
نامه ایستدیکندن ترزی خرسیتودن اله رق
مرقومه ویردیکی ولدی السؤال مرقوم پارلینک

برکون کندوسی خانه سنده ایکن فاملیاسنک
چاغرمسی اوزرینه زقاق قپوسنک یانه کتدیکنده
متهملردن پاولی یاننده مسقو اولدیغنی حالد کلوب
طاشاغه برکوفه براقش اولدقارینی و مرقوم
پاولی کوفه نك ایچورسندن بر بوغچه چقاردرق
بوغچه صاریلی اولان بر نفتک پالطو و بر یلک
و بر مشمع وجبه ارا نه ایدرک پالطو ایله یلکی تعمیر
ایتمسی واجرنه مقابل دخی مشمع ایله جبه بی
المسی تکلیف ایتش ايسه ده کندوسی کوفه نك
ایچنده سائر اشیای کوردیکندن حاصل اولان
شبهه اوزرینه قبول ایدمه جکنی سوبلشمش
و مرقومان اشیای مذکورده خانه سنده براقق
ایستدکندن عدم قبوله مبنی پاولینک طلبی
اوزرینه کوفه ایله اشیای خانه سی اتصالده بولنان
تخته پرده دن ویرانه لکه اندیغنی و بووقعه دن صکره
برکون لؤنیدی خانه سنه کله رک دیقرا ندن برمجیدی
طلب ایتکله واقع اولان سؤالنه مبنی دیقرا نك
پاولیدن بر مشمع وجبه الوب برمجیدی بورجی
قالمش اولدیغنی مرقوم لؤنیدی سوبلیدیکندن
کندوسی نه ایچون بویله شیلری الیورسین دیو
دیقرا نی تو بیج ایتدیکنده مرقوم دخی مخصوص
الدم بشقه ایش وار دیمش اولدیغنی وینه برکون
لؤنیدی خانه سنه کله رک نه قدر اشیای وار ايسه

دکره ادم هیچ برشی قلمدی صاقین حکومته
خبر ویرمین اوچر سنه حبس اولورسکز دیدیکی
ولدی السؤال کندوسی اشاغی ایندیکنده
خانه سنک قپوسنی آچیق و طاشاغه قونیلان
کوفه نك اوزوم کوفه سی اولدیغنی کوروب اغزی
باغلی اولدیغنی افاده و متهم پاولی دخی پالطو
و یلکک اصلی اولیوب کوفه نك ایچنده ایکی
مشمع ایله قطیفه فستان و پرده لردن عبارت
بولدیغنی ولسان ترکی به آشنا اولدیغنی جهته
بعدالتحلیف ترجان تعیین ایدیلان سامعیندن
یکرمی یاشنده قومقبولی ترزی نیقولی واسطه سیله
ارینی قادین دخی سوبلیدیرلده زوخی
خرستونک افاده سی تصدیق و تکرار و حتی
مذکور کوفه نك خانه لرنده حفظ ایدلمسی ضمنده
زوخی خرسیتوی تضیق ایتش و بوغازندن دخی
طومش اولدقارینی علاوه تذکار ایتدیلر جانب
امانته سبق ایدن اشعار اوزرینه ایلانک میخا
نه سندن ظهور ایدن اشیایدن اوتوز عدد سیم
مجیدی و بر عدد ریوولور والی عدد مارپوچ
و برکدی یوزلی یاصدق و سجاده و بر عدد
پار دیسو و بر زنبیل ارسال قلمش وقصور
اشیانک بوندن مقدم صاحب لری نه اعاده و تسلیم
ایدلیکی بیلدیرلمش اولدیغندن اشیای مذکورده

متهملره ارانه اولندقدده بولردن ايليا مارقودن
الدينى پارديسوايله زاخاريه دن المش اولدينى التى
عدد مارپوچ و او توز عدد سيم محيدى كندوسنك
و ريولور ايسه بولدن ايكي سنه مقدم
مناق طوطى اسمنده بريسى طرفندن ايكي محيدى
كندوسنه تهرين ايدلش اولوب ديكرلردن
معلوماتى اولدينى و پاولى دخى كندوسنك مبايعه
ايتش اولدينى ايشيانك بولر اولدينى افاده
و مدعى شخصيلردن رفعت بك دخى بوكجه صو
بولرينه باقق اوزره باغچه چيقوب حوضك
كنارنده مسلح درت شخص كندوسنى اورته لرينه
الهرق ايكوز ليرا ايستمش ايسه لرده بوقدر
جوانى ويرديكندن درون خانه يه كيره رك بولش
اولدقلى البسه و ايشاي ساژه و بر عدد ريولور
ووينجستر تفككى الهرق فرار ايلمش اولدقلى
بيان و ديكر مدعى شخصى طوغره مه جى يانى
دخى بركون خانه سنده چامه شوى ييقامقده ايكن
پنجره دن سارق دخول ايدرك يوقار و او طه ده كى
بورونك اوزرنده كى اختار ايله صندوقلى اچهرق
التى پالطو و پانطون و يلك و ساژه نك سرقت
ايدلش اولدينى و بركون متهملردن پاولينك
يدنده بر پانطون اولدينى حالده ترزى ياقو ايله
قونشدينى كوره رك مرقومى در دست ايتد ير مش
ايدوكنى اتيان ايتلر يله ايشاي موجوده مدعى
شخصيلره ارانه اولندقدده بولردن رفعت بك
ريولور كندوسنك ايشاي مسروقه سندن اولوب
محارب زمانده بر چركسندن الدينى و حتى
جريسى دخى اولدينى و يانى دخى ذكر اولنان
ايشا مياننده اموال مسروقه سندن برشى بولندينى
تذكار و متهملر دخى افاده اوليه لرنده اصرار
ايتلر يله مدعى شخصيلردن اولوب دعوت واقعه
اوزرينه گلامش اولان ميرالاي محمود بكك
و كندوسنه دائره استنطاقدن تسليم ايدلدى اوراق
موجوده مطالعه سندن اكلاشيلان ايشاي مسروقه سندن
ورده ايليانك ميخانه سنى تحرى ايدوب ايشاي
مسروقه يي بولش اولان پوليس مأمورلرينك
و متهملردن ايليانك افاده سنده محرر اولان
زاخاريه و مناق طوطى و بغوص و مارقونك
ورده متهملردن مسقونك افادتنى تكدذيب
ايتدكلى اوراق تحقيقه مندرجاتندن اكلاشيلان
مرقومك والده سى انسپاشيه و انشته سى يانينك
جلبلرينه قرار و ير يله رك طرفينه تفهيم و اكال
محاكمه وقت آخره تعليق قلندى .
(ايكنجى محاكمه)
سنه مذ كوره تمورينك طقوزنجى بازار ايرتمى

كونى متهمون مرقومون توقيف خانه دن ولؤندي
دخى اقامتكا هندن كتور ديله رك و كيلردن
سلامى و خاچيك افنديلرك معذرت مشروعه لرينه
مبنى كله ميه جكلرينى بيلد ير مش اوللرى و متهملردن
مسقو و پاولينك طلب و موافقتلى اوزرينه محكمه
تزدنده اولوب مرقومانه و كيل امين ايديله رك
اوراق دعوايى بعد المطاعه مدافعه يه حاضر اولدقلى
بيان ايدن دعوى و كيللردن قصابان و بابايان
افنديلر ايله ايليا و قسطينك و كيلي خطر افندى
موكللرينك يانلرنده اولدقلى و مدعى عمومى
معاونى رؤف و مدعى شخصيلردن ميرالاي محمود
بكلر حاضر بولند قلى حالده محاكمه علنيه يه
دوام اولنه رق قرائت ايديلان ضبط سابق
مندرجاتى طرفين تصديق ايتدكلى صكره
بر موجب قرار بك اوغلى متصرفلى مأموريت عليه
سنه يازيلان مذ كره اوزرينه پوليس محمد بهجت
افندى ايله تبديل يوركى اعزام قلنمش و دعوت
واقعه يه مبنى ترزى مارقو و مناق طوطى و بغوص
و متهملردن مسقونك والده سى انسپاشيه دخى
ورود ايدوب انشته سى يانينك خسته اولديندن
اولا مدعى شخصى ميرالاي محمود بكك افاده
و ادعاى استفسار اولندقدده اموال مسروقه سندن
اولوب طرفنه رد و اعاده اولنان ايشيانك مدت
مدیده امانت دائره سنده طوروب فرسوده
لشديكندن اوتيه بروه طاغتمش اولدينى جهتله
محكمه يه كتوره ماش اولدينى بعد البيان مسقو
نامنده كى شخصى بولدن مقدم كندوسى پروزه ده
بولندينى صره ده خانه سنه دخول ايدرك ماكنه
و چكجه كى ايشيانى سرقت ايتش ايسه ده بكجى
طرفندن بالتعقيب در دست اولتوب اسكدار محكمه
سندن ايكي سنه حبس جزاسيله محكوم اولدينى
مثلو كچن سنه مرقوم ينه پنجره دن خانه سنه
كيررك اولجه پوليس دائره سنه و ير مش اولدينى
پوصله ده محرر ايشيانى سرقت ايدوب انجق
نصورتله خانه سنه كيرديكندن معلوماتى بولندينى
و مرقومك سرقتدن اول ارقه سنده زنبيل اوله رق
دولكر قياقتنده خانه سى جوارنده طولاشدينى
كور مش ايدوكى و غزته لرده كوردكلى اعلان
اوزرينه بك اوغلى پوليس دائره سنه مراجعتلرنده
ايشاي مسروقه سندن بر مقدارينى يعنى بر مشمع
ايله خانه سنده بولنان حافظ افندى نامنده برينك
جبه و صارينى ودها سائر اوفق تفك ايشيانى
بولوب الدقلىنى افاده ايتمكله جانب امانتدن
كتورلش اولان ايشا مومى اليه ارانه اولندقدده
ايشاي مذ كوره مياننده بولنان كدى يوزلى
ياصديق ايله پالطونك برادر زاده سى عثمان صائم

افنديك اولسى محتمل ايدوكى افاده ايلدى
كلش اولان پوليس محمد بهجت افندى وتبديل
يوركى وترزى مارقوومناق طوطى وبغوص بعد
التحليف وانا سطا شيه بلاتحليف منفرداً ومواجهة
سويلتديرلده بولنردن محمد بهجت افندى المش
ارلدقلى امر اوزرينه تبديل يوركى ويونان
ترجاني وشمدى ردوسده بولنان پوليس اسماعيل
افندى ايله برلكده متهلردن ايليانك دكانه كيدوب
اجرا ايتدكلرى تحريانده دكانك تحتده كي محزنده
بولنان شراب فوجيلرينك اراسندن بر بوغچه
ومرقومك اوطه سنده كي صندوقك ايچنده دخى
برعدد ريوولور وبرقاچ عدد مارپوچ ايله اوتوز
سيم مجيدى وبريصدق يوزى وبرپالطو چيقارمش
اولدقلى ولدى السؤال مذكور دكانك ايچندن
كچيلهرك بغچه يه چيقلدقن صكره محزنه كيرلديكى
واوطه سنده كي صندوقى دخى كلدىلى بولدقلى
افاده وتبديل يوركى دخى مومى البهك بوافاده سنى
تماماً تصديق وتكرار ومتهلردن ايليا دخى ريوولور
اوطه سنده ديوارده اصيلى اولوب صندوقندن
بالطوايله مجيدلرك وبرده مارپوچلرك چيقمش
اولديغى ومحزنده دخى شراب فوجيسى اوليوب
ايكى اسكى فوجى بولديغى واطه ده اجراى
تحريرات ايدن پوليس اسماعيل افندى اولوب

بونارك طيشاروده طور دقلىنى ومع مافيه حقيقت
حالى بيان ايتماكده بولندقلىنى تذكار واشياى
موجوده مومى اليهمايه ارايه اولندقدده ايليانك
اوطه سندن چيقارمش اولدقلى اشيا ايدوكى
باليان افاده لرند اصرار وترزى مارقو دخى
كندوسنك اساس موده دن معلومات اوليوب انجق
حضور محكمه ده ارايه اولنان پارديسوي متهلردن
ايليايه بزريرايه ترهين ايلمش اولديغى ومناق
طوطى دخى ايكي اوچ سنه مقدم اقرباسندن
بغوص كندوسنه بر ريوولور ويردرك يوزى
طوطديغندن بخله وقوعبولان رجاسى اوزرينه
متهلردن ميخانه جى ايليان ايكي مجيدى الهرق
مذكور ريوولورى ترهين ايلديكى وبغوص دخى
مزبوردهك بوافادسنى تصديق وتكرار ايتماكده مذكور
ريوولور مرقوم ايله مزبورديه ارايه اولندقدده
ذ كر اولنان ريوولور ايدوكى افاده ولدى السؤال
مرقوم بغوص مذكور ريوولوى اون اوچ سنه
اقدام شمدى نرده اولديغى بيله مديكى اكنلى
محمد افندى نامنده بريسندن سكران غروشه المش
ايدوكى اخبار وترجه بيلميان انسطاشيه دخى
سامعندن استانه لى واوتوز سكر ياشنده تحصيلدار
لوفهك مع الحلف ترجمانغليه سويلتديرلده
اوغلى مسقو خانه سنه كلدىكى وقت مرقومه

صاتمق ايچون برقاچ پشكير ويرمش اولديغى
افاده ايتسى اوزرينه مزبوردهك مضبوط اولان
افاده سنده لى المراجعه مرقوم مسقونك يندده
طوتيلان پشكيرلى والده سنك اعمال ايدوب
صاتمق اوزره كندوسنه ويرمش اولديغى افاده
ايلديكى حقدده اولان سؤاله قارشو كندوسى
اويله پشكير اعمال ايتديكى كى صاتمق ايچون دخى
مرقومه ويرمديكى بيان ايتديكى اكلاشيله رق
مزبورده يه تفهم اولندقدده اختيار سكوت ايتماكده
تعميق تدقيقات ضمنده مدعى شخصيلردن محمود
بكك افاده سنده مذكور اولان برادر زاده سى
عثمان صائم افندى ايله متهلردن مسقوي طومش
اولان بكجينك جلبلرينه قرار ويريلهرك طرفينه
تفهم واكل محاكمه وقت آخره تعليق قلندى .

(اوچنجى محاكمه)

برموجب قرار دعوت واقعه اوزرينه عثمان
صائم افندى ايله بكجى راشدورود ايتمش اولدقلى
سنه مذكورده اغستوسنك يديجى كوني متهم
پاولى ومسقو وميخانه جى ايليا وقسطى توقيفخانه
دن ولؤنيدى اقامتگاهندن كتورديلهرك وكيللى
قصار وبابايان وخطر افنديلر يانلرنده اولدقلى
ومدعى عمومى معاونى حقى بك حاضر بولنديغى
حاله دوام محاكمه عليه يه بالابتدار قرائت ايديلان

ضبط سابق مندرجاتى طرفين تصديق ايتدكلرندن
صكره مومى ايله عثمان صائم افندى مدعى
شخصى محمود بكك برادر زاده سى اولق حسييله
بلاتحليف وبكجى راشد بعد التحليف منفرداً
ومواجهة استماع اولندقلى بولنردن عثمان
صائم افندى عموجه سى محمود بكك برلكده ساكن
اولدقلى كوشكه سارق دخول ايدرك اشيا
سرقت اولديغى صاحلين اوطه وصفهك قبوللىنى
اچق كوروب اكلامليله حكومه اخبار كيفيت
ايتدكلرندن برمدت صكره بك اوغلى پوليس
مجلسى جانبندن غزتهلر ايله برچوق اشياى
مسروقهك بولنمش اولوب اصحابك مجلسه
مراجعت ايتلىرى لزومى اعلان ايدلديكى جهته
مراجعت ايتديكنده كندولرينك اشياى مسرو-
قهلرندن برقسمنى تعيين وتقرىق ايدرك المش
اولديغى وبولن متمد دخى مسقو نامنده بر
شخصك خانه لرندن بعض اشيا وديكيش ماكنه سى
سرقت ايلمش ايدوكى حضور محكمه ده
كندوسنه ارايه اولنان يصدق وبالطو كندولرينك
اولديغى افاده وبكجى راشد دخى بركون
كندوسى طولاشمقدده ايكن حضور محكمه ده
بولنلردن مسقو يندده بر بوغچه وبرديكيش
ماكنه سى اولديغى حالده كيدر ايكن طومق
ايستمش ايسه ده مرقوم كندوسنه تشهير سلاح
ايدرك فرار ايلديكى واخيراً مرقوم پوليسلر

طرفدن طوتيلهرك يندنه بولنان اشيائي محمود
بكك كوشكندن سركت ايلديكي اكلاشيلديغني
اخبار ايتمليله اساس ژرنالليله مرقومان پاولي
ومسقونك سابقه قيدرلي لدى القرائه ژورناللرك
مالي غلطهده اسكندر جاده سنده ساكن طوغر مه
جى يانينك خانه سندن وقوعبولان سركتك
فاعللرندن اولديغني اخبار وادعا اولنمسي اوزرينه
يئنده برعدد پانطلون اولديغني حالده دردست
ايديلان سابقه مكرره اصحابندن پاولي ايله سركته
محكوم وسابقه لي اولمى سندن طولايي يئنده اوچ
قلم اشيا ايله طوتيلان مسقو حقلرئده اجرا قلنان
تحقيقاتده بونلرك غلطه ده واقع ايليانك ميخانه
سنة برطاقم اموال مسروقه حفظ ايتدير دكلري
خير النمله مذكور ميخانه دن لدى التجري اون
اوچ قلم اشيا و او توز عدد سيم مجيدي ظهور
ايتكمه كيفيت غزته لرايله اعلان اولنمسي اوزرينه
ماليه نظارت جليله سي حقوق مشاورلكي قلمي
خلفاسندن عثمان افندي مراجعتله مرقوم مسقونك
يئندن و ايليانك ميخانه سندن ومخير ديقرانك
سارق پاوليدن مبايعه ايتديكي اشيا دن اون بر قلمي
عموجه سي بحريه ميرالاي لوندن محمود بكك
كوشكندن سركت ايلديكي بيان و ارائه ايلديكي
مثلو مراجعت ايدن مهاجرين قوميسيوني
اعضاسندن رفعت بك دخي اشيا مذكوره مياننده
بولنان برعدد ريوولوركمير كونده كائن كوشكندن

محكمه ده موجود بولنمسي مقتضى اولوب حالبوكه
ميدانده بويله بر اشيا اولمديغني و خصوصيله اشياي
مذكوره موكلنك يئنده ظهور ايتيوب ايليانك
ميخانه سنده بولنمش اولديغني و ديكر وكيل
قصبار افندي دخي مومي ايله بابايان افنديك
افاده سي تصديق وتكرار ايله مدعي شخصيلردن
رفعت بكك اشياي مسروقه سندن اولديغني بيان
ايتديكي ريوولوري متهملردن ايليانك كيمدن
الديغني اثبات وشو صورتله مدعي مومي اليك
ادعائي تكيذب ايدلمش اولديغندن بو جهتك قطعاً
موكلنه شمولي اوله ميه جفني و برده مسروق
دينلان اشيا محكمه حضورنده موجود اولمديقه
بونلرك تجريلملي طرفه كيديله ميه جفني و ديكر
وكيل خنظر افندي دخي موكللي ايليا وقسطي
حقلرئده درميان ايديلان احوالك برنجيسي
ميخانه سي بودرومندن اشياي مسروقه ظهور
ايتمسي و ايكنجيسي قسطينك متهملردن پاولي
ومسقونك اشياي اوراده حفظ ايتدكلريني بيلديكي
حالده اوسته سي اولان ايليايه خير و يرمامسي
ماده لرندن عبارت اولوب حالبوكه موكلنك دكاني
قهوه خانه اولديغني مثلو بودروم دينلان محلك
قبوسي دكانك اچينده اوليوب طيساروده و آچيق
برعرصه اوزرينه ميني اولديغندن اورايه بوكي
براشيا قونلمش اولسه موكلنك خبردار اوله ميه جفني
و خصوصيله مذكور بودرومده ايكي بوش فوجي

بولنمقده ايدو كندن قبونك اچيق اولوب اولمامسي
مساوي اولديغني و جريان ايدن تحقيقاته نظراً
پاولي ومسقونك اشياي مذكوره ني ترزي
خرستونك خانه سنده قبول ايتديره مدكلرندن
موكلنك معلوماتي اولميرق اورايه كوتوروب
براقش اولدقلري اكلاشيلديغني و موكلنك اوطه
سندن ظهور ايدن اشيا دن ريوولوركمير كندوسنك
اولديغني مدعي شخصيلردن رفعت بك سويلمش
ايسه ده اثبات مدعا ايدميه موب موكللي ريوولوري
الديغني آدمي محكمه يه كتوروب سوزيني تصديق
ايتديرمش و پالطوي دخي ترزي مارقونك ترهين
ايتديكني اثبات ايلمش و ديكر اشيا ايجون صاحب
ظهور ايتيوب موكلنك قهوه جي اولمسي حسييله
تزدنده ناركوله مارپوجي بولنمسي مسؤليتي
موجب اسباب قانونيه دن بولنمش ايدوكني
وايكنجي دليله كنججه كويا موكلرندن قسطي پاولي
ومسقونك كلوب بز بودرومده اشيا حفظ ايتدك
ايليايه سويلمه ديدكلريني اقرار ايتمش ايسه ده
بو اقرار موكللي عليهنده اوليوب لهنده استعمال
ايديله جفني و چونكه بونكه موكلنك اشيا دن
قطعاً خبري اولمديغنيك تظاهر ايلديكني وقسطينك
كـرچه بويله بر اقراري اولوب انحق بوندن
سارقله حال وصنعتلريني بيلهرك يتاقلق ايتدكلري
استخراج ايديله ميه جفني و كرچه مرقوم حكومه
اخبار كيفيت ايتكمه مجبور ايسه ده ايتمامسي ايجونده

برمسؤوليت قانونيه تختنده بولنه ميه جغني و يتاقلق
ايدن كسانك سارقله مشاركت ايلمسي مقتضى
اولوب حالبوكه بوسرقتلر وقوع بولدن صكره
پاولى ومسقونك اشيايى بودرومه براقش
اولدقلىنى باليان هر اوچى دخى موكلارينك
برائت ذمتلرينه قرار و بولمسي طلب ايتلريله
ولؤنيدي دخى افادات سابقه سندن بشقه بر
ديه جي اولديغنى سويلمكله محاكمه نك ختام
بولدينى بيان اولنه رق مذاكره اوطنه سنه
كلندي .

طرفينك ادعاومدافعاتنك استاعندن واوراق
تحقيقه نك مطالبه وتديقندن صكره ايجاب
كيفيت لى المذاكره متهمون مرقومون هر نقدر
انكار تهمت ايتكده ووكيللرى مومى اليهم دخى
بروجه محرر مدافعه ايلمكده ايسه لده بولردن
پاولى پوليس واستنطاق دائره لرنده مسقونك بر
كوفه دروننده برطاقم اشيا ايله كندوسنه كلرك
افاده سى اوزرينه اشيايى مذكوره يى فروخت
ايتك اوزره ترزى خرسونك خانه سنه كوتورمش
ايسه لده قبول اولنمديغندن دستكاهدار قسطينك
موافقته مبنى ايليانك ميخانه سى بودرومه براقش
اولدقلىنى افاده ومسقو دخى مرقومك بو
افاده سنى تصديق ايله انجق اشيايى مذكوره يى
پاولينك كتورمش اولديغنى بيان ايدرك يكديكرينه

اسناداتده بولنمش اولدقلىرى حالده حضور
محكمه ده پاولينك تحويل لسان ايدوب ذكر
اولنان اشيايى محل اقامتى بيله مديكى رنجبر
اسماعيل نامنده بريسنندن الهرق مسقو ايله
برلكده فروخت ايتك ايچون ترزى خرسونك
خانه سنه كوتورمش اولدقلىنى افاده ومسقونك
دخى بوصورتى درميان ايتمسنه ودستكاهدار
قسطينك دخى فى الحقيقه پاولى ولؤنيديك ميخانه يه
كلرك بودرومه بر بوغچه براقش اولدقلىنى
سويلدكارينى افاده ايلمسنه ومرقومان پاولى
ومسقونك ترزى خرسونك خانه سنه بر كوفه
دروننده برطاقم اشيا كوتوروب حفظ ايتديرمك
ايستمش وحتى تهديداتده دخى بولنمش ايسه لده
قبول ايدلمديكى جهته مرقومانك اشيايى مذكوره يى
ميخانه جي ايليانك دكانه كوتورمش اولدقلىنى
وانك اوزرينه اشيايى مسروق اولدينى شبهه
ايديله رك جانب حكومه اخبار كيفيت اولنمغله
مرقوم ايليانك ميخانه سنى بودرومى و اوطنه سى
تحرى اولندقدده بودرومى اشيا مملو بر بوغچه
واوطنه سندن دخى ريولور وماربوچ واوتوز
عدد سيم مجيدينك ظهور ايتديكى ديقران وقره بت
وترزى خرسونك وزوجه سى ارينى قادين ايله
پوليس محمد بهجت افدى وتبديل يوركى طرفلرندن
على الدرجات اخبار اولنمسنه ومرقومونك
يدلرنده طوتيلان اشيايى قسم كليسنك مدعى

شخصيلردن ميرالاي محمود بك طرفدن سرقت
ايديلان اشيايى سنى نوع ومقدارينى متضمن
اوله رق عقيب وقعه ده و يرلش اولان دفتر
مندرجاتنه مطابق اولدينى مثللو پوليس مجلسنده
ارائه اولنان اشيايى بعضيسنك عموجه سى محمود
بك وبعضيسنك كندوسنك اولديغنى عثمان
صائم افدينك افاده وادعا واولوجه له دخى شهود
اقامه سيله اثبات ايدرك مومى اليه تسليم اولديغنى
اوراق تحقيقه مندرجاتندن اكلاشلمسنه ومدعى
شخصيلردن رفعت بك اشيايى مسروقه سندن
اولوب متهملردن ايليانك صندوغندن ظهور
ايدن ريولوروك حرييسى اولديغنى بيان ايدوب
فى الحقيقه مذكور ريولوروك حرييسى اولديغنى
حضور محكمه ده كورلش وشو حالده ذكر اولنان
ريولوروك مال مسروق اولديغنى تحقق ايتمش
اولسنه واشيايى مسروقه نك قونلش اولدينى
مخزنده شراب فوچلرى موجود اولديغنى ومذكور
مخزن قپوسنك هداثم اچيق طورديغنى دستكاهدار
قسطنى سويلمكده اولوب مع مافيه شراب فوچيسى
بولنان مخزنك هروقت اچيق بولنميه جغنى دركار
وپاولى ايله مسقونك ميخانه جي ايليا ودستكاهدار
قسطينك خبر ومعلوماتى اولمديغجه محل مذكوره
بو كى اشيا حفظ ايتيه جكلرينك بديدار بولنمسه
وبولرن مسقونك بوندى مقدم دخى مومى اليه
محمود بك خانه سندن سرقته جرأت ايتديكى

بكى راشدك خبر ويريديكى مرقوم ايله پاولينك
سرقت ماده سيله محكوم سابقه مكرره احجابندن
اولدقلىنى بيلد يرلمسنه وميرالاي محمود بك
كوشكنك بغچه ديوارندن سارقك دخول ايدرك
الت قات پنجره سندن ايچرويه كيرديكنك
ورفعت بك كوشكنه دخى ليلا دخول ايدليكنك
وطوغرامه جي يانينك خانه سنه دخى نهارا زردبان
قويه رق پنجره دن كيرمش اولديغنى اوراق
مياننده بولنان زورنال ومعينه راپورتى ماللرندن
اكلاشلمسنه ولؤنيديك دخى ترزى خرسونك
خانه سنه كلرك پاولينك ديقرانه صائم اشيايى
اشيايى مسروقه بدلندن قالمش اولان بر مجيدى يى
ديقراندىن ايتديكنك مجله اخباراتدن بولنمسنه
ومدافعه كنجه كرچه اشيايى مسروقه پوليس
دائره سندن خلاف اصول اوله رق مدعى شخصيلره
اعاده وتسليم ايدلمش ايسه ده بوجه متهملوك
برائت ذمتلرينى ايجاب ايتديرر احوالدىن اولوب
اشيايى مذكوره نك دخى مدعى شخصيلرك
اولدينى اصولاً اثبات ايديله رك اعاده وتسليم
ايدلمش وبواشيايى ايليانك ميخانه سى بودرومه
قويمش اولدقلىرى پاولى ومسقونك تحت اعترافنده
بولنمش اولمسنه و ذكر اولنان بودورومك
ميخانه نك خارجنده اولدينى فرض ايدلسه دخى
ميخانه جي ايليانك تحت استيجارنده اولدينى جهته
آخر طرفدن بوكى اشيا قونلش اولسه

مرقومك خبردار اولمامسنىك مستبعد بولمىسنى
 ومدى شخصيلردن رفعت بك ريوولورك اشياى
 مسروقه سندن اولديغنى مصرأ افاده وادعايدوب
 مع مافيه خلاف واقع اوله رق مومى اليهك بو
 يوله برادعاده بولمىغى مجبوريى اولمىوب خصو -
 صيله ريوولورى كورمىدى حالده حريسى
 اولمىغنى سويلمش وفي الحقيقه مومى اليهك صدق
 افاده سى مذكور ريوولورك حريسى اولمىغنىك
 حضور محكمه ده كورلمىيله تحقق ايدوب شو
 حالده ايليانك اقامه ايلدىكى مدافيه شاهدلىرىك
 افاده لىرىك شايان قبول كوريله مامسنى و دستكا -
 هدار قسطينك سبق ايدى اقرارىنىك ميخانه جى
 ايليانك لهنده استعمال ايديله ميه جكنك بديهى
 بولمىسنى مبنى مرقومونك انكارلى واهى
 ووكيللى مومى اليهك مدافعات واقعه لى
 اسباب مبسوطه ايله مردود اولوب بناء عليه
 بولردن پاوى ومسقونك توارىخ مختلفه ده قزل
 طپراقده كائن عساكر بحريه ميرالايلىرىن محمود
 وميركونده ساكن رفعت بكلك كوشكلرىن
 وعزب قپوسنده مقيم مرانغوز يانينك خانه سندن
 لىلا ونهاراً زردبان ايله آشهرق وپنجره دن
 كيرهك سرقت فعالىرىنه جرات ايتدىكلىرى
 وميخانه جى ايليا ايله چراغى قسطينك دخى

مرقومانه حال وصفتلىرىنى بيلهرك يتاقلق ايلدىكلىرى
 تحقق ايتدىكلىرىن مجرميتلىرىنه ولئونك دخى مال
 مسروقى بيلهرك آلق فعلنىك فاعلى اولديغنى
 متفقاً قرار ويرىلوب اولبايدى تنظيم اولنان قرار -
 نامه علناً قرائت اولندىقه معاون مومى اليه
 حقى بك مجرميتلىرى تحت حكمه النان پاوى
 ومسقونك قانون جزانك ايكوز يكرمى وميخا -
 نه جى ايليا و چراغى قسطينك دخى ايكوز اوتوز -
 نجى ماده سى علاوه سنى ولئونيدىك دخى علاوه
 مذكورونك فقره اخيره سنى توفيقاً تحديد
 ووكيللى مومى اليهك دخى تخفيف جزالرىنى
 طلب وادعا ايتمىيله مذاكره او طه سنى عودت
 اولدى .

مابعدى وار